

**REGLUGERÐ FRAMKVÆMDASTJÓRNARINNAR
(ESB) 2019/237****2020/EES/5/56****frá 8. febrúar 2019**

um breytingu á reglugerð (EB) nr. 1126/2008 um innleiðingu tiltekinna alþjóðlegra reikningsskilastaðla í samræmi við reglugerð Evrópuþingsins og ráðsins (EB) nr. 1606/2002 að því er varðar alþjóðlegan reikningsskilastaðal, IAS-staðal 28 (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1606/2002 frá 19. júlí 2002 um beitingu alþjóðlegra reikningsskilastaðla ⁽¹⁾, einkum 1. mgr. 3. gr.,*og að teknu tilliti til eftirfarandi:*

- 1) Með reglugerð framkvæmdastjórnarinnar (EB) nr. 1126/2008 ⁽²⁾ voru innleiddir tilteknir alþjóðlegir staðlar og túlkanir sem voru fyrir hendi 15. október 2008.
- 2) Hinn 12. október 2017 gaf Alþjóðareikningsskilaráðið út Langtímahlutdeild í hlutdeildarfélögum og samrekstri (breytingar á IAS-staðli 28) innan rammans um reglulegt endurbótaferli sitt sem miðar að því að einfalda og skýra staðlana. Markmiðið með breytingunum er að skýra nánar að kröfur um virðisrýrnun í alþjóðlegum reikningsskilastaðli, IFRS-staðli 9, *fjármálagerningar*, gilda um langtímahlutdeild í hlutdeildarfélögum og samrekstri.
- 3) Eftir samráð við Evrópsku ráðgjafarnefndina um reikningsskil ályktar framkvæmdastjórnin að breytingarnar á alþjóðlegum reikningsskilastaðli, IAS-staðli 28, *fjárfestingar í hlutdeildarfélögum og samrekstri*, uppfylli skilyrðin fyrir innleiðingu sem eru sett fram í 2. mgr. 3. gr. reglugerðar (EB) nr. 1606/2002.
- 4) Því ætti að breyta reglugerð (EB) nr. 1126/2008 til samræmis við það.
- 5) Ráðstafanirnar, sem kveðið er á um í þessari reglugerð, eru í samræmi við álit stýrinefndarinnar um reikningsskil.

SAMÞYKKT REGLUGERÐ ÞESSA:

1. gr.

Í viðaukanum við reglugerð (EB) nr. 1126/2008 er alþjóðlegum reikningsskilastaðli, IAS-staðli 28, *fjárfestingar í hlutdeildarfélögum og samrekstri*, breytt eins og fram kemur í viðaukanum við þessa reglugerð.

2. gr.

Félag skal beita breytingunum, sem um getur í 1. gr., eigi síðar en frá og með upphafsdegi fyrsta fjárhagsárs þess sem hefst 1. janúar 2019 eða síðar.

(*) Þessi ESB-gerð birtist í Stjttíð. ESB L 39, 11.2.2019, bls. 1. Hennar var getið í ákvörðun sameiginlegu EES-nefndarinnar nr. 328/2019 frá 13. desember 2019 um breytingu á XXII. viðauka (Félagaréttur) við EES-samninginn (bíður birtingar).

(1) Stjttíð. EB L 243, 11.9.2002, bls. 1.

(2) Reglugerð framkvæmdastjórnarinnar (EB) nr. 1126/2008 frá 3. nóvember 2008 um innleiðingu tiltekinna alþjóðlegra reikningsskilastaðla í samræmi við reglugerð Evrópuþingsins og ráðsins (EB) nr. 1606/2002 (Stjttíð. ESB L 320, 29.11.2008, bls. 1).

3. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 8. febrúar 2019.

Fyrir hönd framkvæmdastjórnarinnar,

Jean-Claude JUNCKER

forseti.

VIÐAUKI

Langtímahlutdeild í hlutdeildarfélagum og samrekstri

(Breytingar á IAS-staðli 28)

Breytingar á IAS-staðli 28, fjárfestingar í hlutdeildarfélagum og samrekstri

Liðum 14A og 45G-45K er bætt við og 41. liður er felldur brott.

HLUTDEILDARÁÐFERÐ

14A Eining beitir einnig IFRS-staðli 9 gagnvart öðrum fjármálagerningum í hlutdeildarfélagi eða samrekstri þar sem hlutdeildaraðferðinni er ekki beitt. Þar með er talin langtímahlutdeild sem í raun myndar hluta af hreinni fjárfestingu einingarinnar í hlutdeildarfélagi eða samrekstri (sjá 38. lið). Eining beitir IFRS-staðli 9 gagnvart slíkri langtímahlutdeild áður en hún beitir 38. lið og 40.-43. lið í þessum staðli. Við beitingu IFRS-staðals 9 tekur einingin ekki tillit til leiðréttinga á bókfærðu verði langtímahlutdeildar sem stafa af beitingu þessa staðals.

BEITING HLUTDEILDARÁÐFERÐARINNAR

...

41. [Felldur brott]

...

GILDISTÖKUDAGUR OG UMBREYTING

...

45G *Langtímahlutdeild í hlutdeildarfélagum og samrekstri*, útgefið í október 2017, bætti við lið 14A og felldi brott 41. lið. Eining skal beita þessum breytingum afturvirkir í samræmi við IAS-staðal 8 að því er varðar árleg reikningsskilatímabil sem hefjast 1. janúar 2019 eða síðar, að frátöldu því sem tilgreint er í liðum 45H-45K. Heimilt er að beita breytingunum fyrir. Ef eining beitir þessum breytingum fyrir skal hún greina frá því.

45H Eining, sem beitir breytingunum í lið 45G í fyrsta sinn á sama tíma og hún beitir IFRS-staðli 9 í fyrsta sinn, skal beita umbreytingarkröfum IFRS-staðals 9 gagnvart langtímahlutdeildinni sem lýst er í lið 14A.

45I Eining, sem beitir breytingunum í lið 45G í fyrsta sinn eftir að hún beitir IFRS-staðli 9 í fyrsta sinn, skal beita þeim umbreytingarkröfum í IFRS-staðli 9 sem nauðsynlegar eru til að beita kröfunum, sem settar eru fram í lið 14A, gagnvart langtímahlutdeild. Í því skyni skal lesa tilvísanir í upphafsdeg beitingar í IFRS-staðli 9 sem vísun í upphaf þess árlega reikningsskilatímabils þegar einingin beitir breytingunum í fyrsta sinn (upphafsdagur beitingar breytinganna). Einingunni er ekki skylt að endurgera fyrri tímabil til að endurspegla beitingu breytinganna. Einingin getur endurgert fyrri tímabil því aðeins að slíkt sé hægt án eftirskýringa.

45J Þegar breytingunum í lið 45G er beitt í fyrsta sinn er einingu, sem beitir tímabundinni undanþágu frá IFRS-staðli 9 í samræmi við IFRS-staðal 4, *vátryggingasamningar*, ekki skylt að endurgera fyrri tímabil til að endurspegla beitingu breytinganna. Einingin getur endurgert fyrri tímabil því aðeins að slíkt sé hægt án eftirskýringa.

45K Ef eining endurgerir ekki fyrri tímabil, með því að beita lið 45I eða lið 45J, skal hún á upphafsdegi beitingar breytinganna færa í óráðstafað eigið fé (eða annan eiginfjárfátt, eftir því sem við á) hvers kyns mismun milli:

- a) fyrra bókfærðs verðs langtímahlutdeildar, sem lýst er í lið 14A, á þeim degi og
- b) bókfærðs verðs þeirrar langtímahlutdeildar á þeim degi.